



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77, Հեռ. 010-51-29-53 Էլ փոստ՝ <<Patrol-service@police.am>>

N

91/12585

15.03 2022թ.

Գրիգոր Ամիրջատյանին

Հասցե՝ ք. Երևան, Նորաշեն թղմ, 18 շ, 50 բն.

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում թիվ 8200198701 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ <<3>>թերթ:

Պետ,

ոստիկանության գնդապետ՝

Ա. Ումրջատյան

Կատ. Ա. Ստեփանյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 16.06.2022թ-ին կայացված թիվ 8200198701 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<15>> 07 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա. Ումրշատյանս, վերանայելով Գրիգոր Ամիրշատյանի դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

16.06.2022թ.-ին՝ ժամը 23:30-ի սահմաններում, Երևան-Փարաքար ճանապարհահատվածում քաղաքացի Գրիգոր Ամիրշատյանի վարած «Մերսեդես» մակնիշի 87GM778 հաշվառման համարանիշի տրանսպորտային միջոցի տեխնիկական վիճակի գննություն անցած չլինելու փաստը արտացոլվել է ՃՈ Էլեկտրոնային ռեգիստրում (իրավական հիմք՝ ՀՀ կառավարության թիվ 1251-Ն որոշում), ինչի հետևանքով ՀՀ ոստիկանության պարեկային ծառայության Երևան քաղաքի գնդի 3-րդ գումարտակի 2-րդ վաշտի ավագ պարեկ Գուրգեն Գալստյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն կայացվել է թիվ 8200198701 որոշումը՝ վերջինիս 20.000 ՀՀ դրամի չափով տուգանելու մասին:

Երևան քաղաքի Նորաշեն թղմ, 18 շ, 50 բն. բնակիչ Գրիգոր Ամիրշատյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 16.06.2022թ. կայացված 8200198701 որոշումը՝ նշելով, որ իր վարած տրանսպորտային միջոցը անցել է տեխնիկական գննություն և ներկայացրել է տրանսպորտային միջոցի տեխնիկական գննության արատորոշման քարտի պատճեն:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 16.06.2022թ-ին կայացված թիվ 8200198701 որոշումը ենթակա է բեկանման՝ հետևյալ պատճառաբանությամբ.

«Ճանապարհային երթևեկության անվտանգության ապահովման մասին» ՀՀ օրենքի 15-րդ հոդվածի 1-ին մասի համաձայն՝ Հայաստանի Հանրապետության տարածքում շահագործվող տրանսպորտային միջոցները Հայաստանի Հանրապետության օրենսդրությամբ սահմանված կարգով ենթակա են տեխնիկական գննության:

Նույն հոդվածի 2-րդ մասի 4-րդ կետի համաձայն՝ թողարկման տարեթվից հաշված՝ 10-ից ավելի տարվա արտադրության թեթև մարդատար ավտոմոբիլներ, բեռնատար տրանսպորտային միջոցներ, ուղևորի մինչև 8 նստատեղ ունեցող բեռնաուղևորատար տրանսպորտային միջոցներ, կցորդներ (կիսակցորդներ), մոտոցիկլեր (բացառությամբ սույն մասի 2-րդ կետով նախատեսված տրանսպորտային միջոցների)՝ տարին մեկ անգամ:

Նույն հոդվածի 2-րդ մասի 6-րդ կետի համաձայն՝ տրանսպորտային միջոցը տեխնիկական զննության պետք է ներկայացվի մինչև նախորդ տեխնիկական զննությամբ տրամադրված արատորոշման քարտին նշված ամսվա վերջին օրը:

Նույն օրենքի 24-րդ հոդվածի 2-րդ մասի (ա) կետի 1-ին ենթակետի համաձայն՝ տրանսպորտային միջոցի վարորդը պարտավոր է երթևեկությունն սկսելուց առաջ ստուգել տրանսպորտային միջոցի տեխնիկական զննություն անցած լինելու կամ անօրինական վերասարքավորված չլինելու փաստերը:

«Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն՝ օրենսդրությամբ սահմանված կարգով տեխնիկական զննություն չանցած կամ տեխնիկական զննությամբ ի հայտ եկած՝ Հայաստանի Հանրապետության կառավարության սահմանած՝ տրանսպորտային միջոցների շահագործումն արգելող անսարքություններից կամ պայմաններից որևէ մեկի առկայությամբ տրանսպորտային միջոց վարելը՝ առաջացնում է տուգանքի նշանակում սեփականատիրոջ կամ տիրապետողի նկատմամբ՝ սահմանված նվազագույն աշխատավարձի քսանապատիկի չափով:

Ուսումնասիրելով գործում առկա ապացույցները, մասնավորապես՝

Գրիգոր Ամիրջատյանի կողմից ներկայացված արատորոշման քարտի պատճեն պարզ է դառնում, որ «Մերսեդես» մակնիշի 87GM778 հաշվառման համարանիշի տրանսպորտային միջոցը (նույնականացման համար՝ WD3PG2EA2G3179913) վերջին անգամ տեխնիկական զննություն է անցել 14.06.2021թ-ին և հաջորդ տեխնիկական զննության ժամկետի է նշվել 1 տարուց:

ՀՀ Տարածքային կառավարման և ենթակառուցվածքների նախարարության «Տրանսպորտային միջոցների տեխնիկական զննության միասնական շտեմարան»-ից կատարված քաղվածքի համաձայն՝ «Մերսեդես» մակնիշի 87GM778 հաշվառման համարանիշի տրանսպորտային միջոցը (հաշվառման վկայագիր՝ KB599043) վերջին անգամ տեխնիկական զննություն է անցել 17.06.2022թ-ին:

Գրիգոր Ամիրջատյանը նշված տրանսպորտային միջոցը սահմանված կարգով տեխնիկական վիճակի զննություն չանցած վիճակում վարելու համար վարչական պատասխանատվության է ենթարկվել 16.06.2022թ-ին, հետևաբար իրավախախտման վերաբերյալ արձանագրության կազմման ժամանակ «Մերսեդես» մակնիշի 87GM778 հաշվառման համարանիշի տրանսպորտային միջոցը օրենքի ուժով գտնվել է տեխնիկական զննություն անցած վիճակում:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին մասի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական

իրավախախտման դեպքի կամ կազմի բացակայության հանգամանքների առկայության դեպքում:

Այսպիսով, դիմումատուի արարքում բացակայում է «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով նույն օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝


Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 16.06.2022թ. կայացված թիվ 8200198701 որոշումը բեկանել և վարչական իրավախախտման վերաբերյալ գործի վարույթը կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

3. Սույն որոշման օրինակն ուղարկել Գրիգոր Ամիրջատյանին և Պարեկային ծառայության Երևան քաղաքի գունդ:

Պետ,
ոստիկանության գնդապետ՝



Ա. Ումրջատյան